

All in for Kids

Ib Tsab Ntawv Xov Xwm Rau Tsev Neeg txog Lub Khoos Kas Children's Long-Term Support (CLTS)

All in for Kids: Lub Khoos Kas CLTS yog ib tsab ntawv xov xwm uas pab ceeb toom qhia kom koj thiab koj tsev neeg paub txog Lub Khoos Kas CLTS. Tsab ntawv xov xwm no yog luam tawm los ntawm Wisconsin Department of Health Services (DHS).



Qhov zoo ntawm tsev neeg: Leah tsim keeb kwm hauv lub tshav sib tw

Peb zoo siab yuav ua kev zoo siab rau ib tug ntxhais ua kis las hluas uas tshaj lij tshaj plaws los ntawm Nroog Waukesha, uas nws txoj kev siv zog, kev txiav txim siab, thiab lub siab ua hauj lwm ua pab pawg tau pab tsim keeb kwm. Ntsib Leah, ib tug ntxhais ua kis las tshaj lij hauv pab tub kis las me nyuam yaus me ntawm National Wheelchair Basketball Association (NWBA)—thiab tam sim no yog tus neeg muaj yeej hauv qib teb chaws.

Nyob rau Lub Plaub Hlis Ntuj Xyoo 2025, Leah thiab nws cov phooj ywg hauv pab pawg tau rais los ua thawj pab pawg ntxhais ntaus pob basketball caij lub rooj zaum muaj log uas yeej kev sib tw qib teb chaws hauv pab tub kis las me nyuam yaus me. Pib qhov kev sib tw no nyob rau thib rau, lawv pab pawg tau siv zog ntaus yeej ntau pab pawg yam nyuaj kawg nkaus, uas yog ntaus yeej cov pab pawg los ntawm Chicago, Virginia, Alabama, thiab New York.

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Social Security Act § 1915(c) thiab 42 C.F.R. § 440.180.

Dab tsi yog yam uas ua rau qhov kev muaj yeej no tshwj xeeb tshaj qub tuaj? Lub caij 2024–25 yog Leah thawj lub xyoo uas Leah tau ua cov kis las rau neeg xiam oob qhab yam thawm xyoo kiag.

Leah tau koom nrog nws pab pawg ntaus pob basketball uas caij lub rooj zaum muaj log thaum pib lub xyoo 2024. Nrog kev pab los ntawm Lub Khoos Kas CLTS, nws tau mus koom cov chaw xyaum ntaus pob basketball rau cov neeg xiam oob qhab hauv tag nrho lub caij ntuj sov xyoo 2024 thiab 2025 tib si, lub hwv tсам uas tau rais los ua qhov hloov pauv rau nws txoj kev loj hlob los ua ib tug neeg ua kis las thiab tus thawj coj rau pab me nyuam hluas tib si. Cov chaw xyaum ntaus pob no tau pab nws txhim kho lub zog, txhim kho cov qauv tes kev ntaus pob, thiab ua rau nws muaj kev ntseeg siab tshaj qub ntiv tuaj nyob rau lub tshav sib tw sab hauv thiab sab nrauv tib si.

Nws tsev neeg tau nthuav qhia txog lawv txoj kev nco tshav ntuj rau txhua tus neeg uas tau txhawb pab txoj kev uas Leah taug, suav nrog nws tus neeg dhia dej num kev txhawb pab thiab kev pab cuam hauv CLTS (SSC), Julia:

“Thov ua tsaug rau lub khoos kas CLTS, nws tus neeg dhia dej num kev pab cuam, Julia, thiab lwm tus ntau ntiv uas tau txhawb pab nws thoob plaws lub caij sib tw thiab npaj rau lub caij sib tw txuas mus tom ntej los ntawm kev pab nyiaj txiag rau kev mus rau lub chaw xyaum ntaus pob basketball rau cov neeg siv lub rooj zaum muaj log.”

Peb yuav txhawb nqa Leah thaum nws tseem loj hlob, sib tw, thiab txhawb lub zog loj txuas ntiv mus. ❖

Lub Khoos Kas CLTS xav tau koj tsev neeg cov dab neeg thiab cov duab!

Tsab ntawv xov xwm All in for Kids yog muab rau cov tsev neeg. Peb xav nthuav koj cov duab thiab tej kev paub kev pom dhau los rau lwm tus neeg nyeem kom lom zem! Koj tuaj yeem qhia tej yam xws li:

- Kev sib cuag zoo nrog Lub Khoos Kas CLTS.
- Ib qho piv txwv txog tias seb Lub Khoos Kas CLTS tau pab koj tsev neeg los sis tus me nyuam li cas.
- Daim duab los sis zaj dab neeg txog yam dej num uas koj tau nrog koj tus me nyuam ua.
- Daim duab txog tej duab kos los sis lwm yam uas koj tus me nyuam tau ua.

Muab koj tsev neeg zaj dab neeg los sis tej duab xa email mus rau dhsclts@wisconsin.gov uas yog sau lo “All in for Kids” ua ke rau hauv kab npe. Koj kuj tseem puav leej tuaj yeem xa cov tswv yim rau cov dab neeg uas koj xav nyeem hauv tsab ntawv xov xwm tau tib si thiab. Peb tos ntsoov yuav hnov ib lo lus los ntawm koj! ❖



Leah daim duab thaum muaj kev zoo siab thaum mus sib tw muaj yeej qib teb chaws.



Cov ntaub ntawv qhia paub uas muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

Kev txhaj tshuaj tiv thaiv kom tshiab tshaj plaws: yam uas cov tsev neeg yuav tsum paub rau lub caij no

Cov tshuaj tiv thaiv kab mob yog ib yam tseem ceeb los pab kom cov me nyuam yaus noj qab nyob zoo, tshwj xeeb tshaj mas yog thaum lub caij nplooj ntoos zeeg thiab lub caij ntuj no uas muaj cov kab mob rau tej hlab ua pa. Xyoo no, Wisconsin tau ua kom cov tsev neeg tuaj yeem mus txhaj cov tshuaj tiv thaiv kab mob uas lawv xav txhaj thiab yuav tsum tau txhaj tau yooj yim dua qub tuaj lawm.

Nyob rau Lub Cuaj Hlis Xyoo 2025, Wisconsin Department of Health Services (DHS) tau tshaj tawm ib daim ntawv txib uas tso cai rau cov niam txiv pej xeeb tuaj yeem mus txhaj tshuaj tiv thaiv kab mob COVID-19 tau ntawm cov khw muag tshuaj thoob plaws lub lav yam tsis tas muaj daim ntawv xaj txhaj tshuaj. DHS yeej muaj lus qhia kom txhua tus neeg uas muaj hnuv nyoog 6 lub hlis nce mus kav tsij txhaj tshuaj tiv thaiv kab mob COVID-19 txuas ntxiv mus, suav nrog cov me nyuam yaus thiab cov neeg cev xeeb tub. Cov lus qhia no yog kev ua raws li cov chaw hauj lwm saib xyuas kev kho mob hauv teb chaws xws li American Academy of Pediatrics thiab American Academy of Family Physicians.

Kev khaws cov ntaub ntawv txog kev txhaj tshuaj tiv thaiv kom tshiab tas li

Vim tias cov lus qhia txog kev txhaj tshuaj tiv thaiv kab mob yuav tuaj yeem muaj kev hloov pauv tau, yog li thiaj li yog ib qho tseem ceeb uas cov tsev neeg yuav tsum tau ua raws li cov chaw muab ntaub ntawv uas ntseeg siab tau thiab hloov kho tshiab tshaj plaws. Txhawm rau hwj xwm kom koj tsev neeg cov ntaub ntawv qhia txog kev txhaj tshuaj tiv thaiv tshiab tshaj plaws, koj tuaj yeem:


- Nrog koj tus me nyuam tus kws kho mob tham
- Mus saib dhs.wi.gov rau kev hloov kho tshiab thoob plaws lub lav
- Thov kom koj tus SSC pab nrhiav cov ntaub ntawv qhia paub uas ntseeg siab tau

Medicaid pab them cov nqi txhaj tshuaj tiv thaiv kab mob li cas

Txhua tus me nyuam hauv Lub Khoos Kas CLTS uas tau teev npe nkag rau hauv Medicaid, thiab qee tsev neeg kuj tseem puav leej tuaj yeem muaj kev tuav pov hwm kho mob ntiag tug tau tib si. Cov tshuaj tiv thaiv kab mob yeej tseem yog ib txoj hau kev zoo tshaj plaws los ua kom cov me nyuam yaus noj qab nyob zoo. Ntawm no yog yam uas cov tsev neeg siv Medicaid yuav tsum tau paub hais txog kev pab duav nqi rau kev txhaj tshuaj tiv thaiv kab mob:

Wisconsin Medicaid yuav pab duav nqi txuas ntxiv mus rau txhua yam tshuaj tiv thaiv kab mob uas muaj lus qhia kom txhaj rau cov me nyuam yaus, suav nrog cov tshuaj tiv thaiv kab mob COVID-19 rau cov me nyuam yaus uas muaj hnuv nyoog 6 lub hlis nce mus, yam tsis sau nqi dab tsi hlo li.

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.



Cov tshuaj tiv thaiv kab mob yeej tseem ceeb rau txhua tsev neeg

Qee tsev neeg kuj tseem puav leej muaj kev tuav pov hwm kho mob ntiag tug ntxiv rau Medicaid tib si. Koj tus kws kho mob los sis lub khw muag tshuaj tuaj yeem pab kom koj nkag siab txog tias seb koj qhov kev tuav pov hwm ntiag tug yuav pab duav nqi rau cov tshuaj tiv thaiv kab mob li cas thiab seb nws ua hauj lwmm ua ke nrog Medicaid li cas. Yog koj muaj lus nug, ces koj tus SSC yuav tuaj yeem pab muab koj txuas mus rau cov peev txheej uas haum rau koj tau.

Kev txhaj tshuaj tiv thaiv kab mob kom tshiab tshaj plaws yuav pab tiv thaiv koj tus me nyuam, koj tsev neeg, thiab koj lub zej zog tau. Txawm koj tab tom npaj rau kev mus kawm ntawv, cov kab mob sib kis raws caij, los sis cov lus qhia tshiab los xij, koj tsis tas yuav tau npaj ib leeg kheej nkaus xwb.

Xav tau cov ntaub ntawv qhia paub tau ntxiv puas yog?

Mus saib dhs.wi.gov los sis nrog koj tus me nyuam tus kws kho mob los sis tus SSC tham kom tau txais kev pab qhia kom nkag siab txog cov lus qhia txog kev txhaj tshuaj tiv thaiv kab mob thiab cov kev xaiv txog kev pab duav nqi. ❖

Kev hloov kho tshiab tseem ceeb rau xyoo 2026: hwj xwm koj qhov kev teev npe nkag Medicaid kom siv tau tas li txhawm rau kom tau nyob rau hauv Lub Khoos Kas CLTS

Txhawm rau kom koj tus me nyuam tau nyob rau hauv Lub Khoos Kas CLTS, koj tus me nyuam kuj tseem yuav tsum tau teev npe nkag rau hauv Wisconsin Medicaid qhov kev pab duav nqi kho mob uas tau txais cov nyiaj pab puv ntoob tib si. Pib xyoo 2026, Lub Khoos Kas CLTS yuav hloov kho nws txoj hau kev tswj hwm kev teev npe tshiab.

Pib txij li xyoo tom ntej no mus, yog tias tus me nyuam qhov kev pab duav nqi kho mob hauv Medicaid xaus lawm, ces lawv qhov kev teev npe nkag rau Lub Khoos Kas CLTS kuj yuav cia li xaus mus tib si thiab. Qhov no tsis yog ib txoj cai tshiab (Peb yeej ib txwm tseev kom yuav tsum tau txais Medicaid rau kev teev npe nkag rau Lub Khoos Kas CLTS) tab sis pib txij xyoo 2026 mus, lub laj txheej yuav cia li yuam siv nws mus li lawm xwb.

Yam uas cov tsev neeg yuav tsum tau paub

1. Tej zaum koj yuav tuaj yeem pib tau txais kev ceeb toom ntau dua qub tuaj hauv kev xa raws tsev pais xab nis tuaj.
Cov tsev neeg yuav pib pom cov ntawv ceeb toom ua ntej thaum:
 - Lawv tus me nyuam qhov kev pab duav nqi kho mob los ntawm Medicaid yuav xaus.
 - Lawv tus me nyuam qhov kev teev npe nkag rau Lub Khoos Kas CLTS yuav xaus vim lawv qhov kev pab duav nqi kho mob los ntawm Medicaid yuav xaus.

Cov ntawv ceeb toom no yuav xa tuaj ntawm ntau lub chaw xa ntawv sib txawv tuaj, yog li tej zaum koj yuav tau txais nyob rau lub sij hawm sib txawv.

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.



2. Thawj cov tsev neeg uas tau txais kev cuam tshuam yuav yog cov uas muaj qhov kev pab duav nqi kho mob los ntawm Medicaid yuav xaus rau Lub Ib Hlis Tim 31, 2026.
 - Peb yuav xa cov ntawv ceeb toom txog kev mus txuas hnuv nyoog ntxiv tuaj mus 45 hnuv ua ntej, yog li tej zaum cov tsev neeg yuav pib tau txais cov ntawv ceeb toom nyob rau Lub Kaum Ob Hlis Xyoo 2025.

Yam uas yuav ua yog tias koj tau txais daim ntawv ceeb toom txog kev mus txuas hnb nyoog ntxiv rau Medicaid

Nyeem tsab ntawv kiag tam siv thiab ua kom tiav txhua yam uas yuav tsum tau ua kom koj tus me nyuam qhov kev pab duav nqi los ntawm Medicaid thiaj li siv tau tas li. Qhov no yuav suav nrog kev xa daim foos thov txuas hnuv nyoog ntxiv los sis kev muab cov ntaub ntawv hloov kho tshiab. Yog koj tau txais tag nrho tsab ntawv ceeb toom tuaj ntawm Medicaid thiab tsab ntawv ceeb toom tuaj ntawm Lub Khoos Kas CLTS tib si, ces tsis txhob txhawj. Yeej tsis muaj dab tsi uas koj yuav tau ua ntxiv lawm nyob rau hauv Lub Khoos Kas CLTS. Tsuas yog ua kom tiav koj qhov kev txuas hnuv nyoog ntxiv rau qhov kev pab duav nqi los ntawm Medicaid kom raws sij hawm xwb kom tsis txhob muaj teeb meem cuam tshuam rau kev saib xyuas kho mob rau koj tus me nyuam.

Yog tias qhov kev pab duav nqi los ntawm Medicaid xaus lawm ces yuav muaj dab tsi tshwm sim?

- Yog koj tus me nyuam qhov kev pab duav nqi los ntawm Medicaid tas sij hawm, ces nws qhov kev teev npe nkag rau Lub Khoos Kas CLTS kuj yuav xaus nyob rau tib hnuv ntawd thiab.
- Yog tias koj rov txuas hnuv nyoog ntxiv rau Medicaid tau sai thiab nws rov qhib dua yam tsis muaj qhov sib txawv txog kev pab duav nqi, ces:
 - Medicaid yuav rov qhib dua rov mus txog hnuv uas nws tau xaus, thiab
 - **Qhov kev teev npe nkag rau Lub Khoos Kas CLTS kuj puav leej yuav cia li qhib nyob rau tib hnuv ntawd ti si thiab**
 - Koj tus me nyuam tseem yuav tsum zoo kom raws li cov cai hais txog kev muaj cai tsim nyog tau txais Lub Khoos Kas CLTS thiab.

Qhov no feem ntau yuav tshwm sim thaum cov tsev neeg xa cov ntaub ntawv txuas hnuv nyoog ntxiv qeeb lig, tab sis Medicaid yuav rov qhib dua yam tsis muaj kev ncuav kev pab duav nqi. Yog tias Medicaid tsis rov qhib dua rov qab mus txog rau lub hnuv tim qub thaum xub thawj, ces koj yuav tsum tau rov teev npe nkag rau Lub Khoos Kas CLTS thiab tej zaum koj tsev neeg yuav ntsib qhov sib txawv ntawm Lub Khoos Kas CLTS cov kev txhawb pab thiab cov kev pab cuam.



Cov ntaub ntawv qhia paub uas muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

Koj lub luag hauj lwm: hwj xwm kom qhov kev pab them nqi los ntawm Medicaid siv tau tas li

Txhawm rau kom tau teev npe nyob twj ywm rau hauv Lub Khoos Kas CLTS, koj tus me nyuam yuav tsum tau teev npe nkag rau hauv Medicaid qhov kev pab duav nqi kho mob uas tau txais cov nyiaj pab puv ntoob. Qhov ntawd txhais tau tias cov tsev neeg yuav tsum:

- Ua kom tiav qhov kev txuas hnuv nyoog ntxiv rau qhov kev pab duav nqi los ntawm Medicaid txhua xyoo
- Teb rau cov lus thov cov ntaub ntawv qhia paub
- Kho kom qhov chaw nyob thiab cov ntaub ntawv tiv tauj yog cov tshiab tshaj plaws tas li
- Ua tib zoo nyeem kom tag nrho txhua tsab ntawv
- Tiv tauj mus nug yog tias muaj lus nug

Koj tus SSC yeej nyob ntawm no los pab koj yog tias koj tsis paub meej tias tsab ntawv uas koj tau txais txhais li cas.

Qhov chaw uas yuav mus thov kev pab txog Medicaid tau

- Rau npe nkag mus los sis mus txuas hnuv nyoog ntxiv hauv oos lais ntawm access.wi.gov
- Hu rau Member Services (Feem Pab Cuam Tswv Cuab): 800-362-3002
- Tiv tauj koj tus SSC yog tias koj xav tau kev txhawb pab los sis muaj lus nug

Lo lus kawg

Yuav tsum tau hwj xwm qhov kev pab duav nqi los ntawm Medicaid kom siv tau tas li txhawm rau hwj xwm kom koj tus me nyuam tau teev npe nkag rau hauv Lub Khoos Kas CLTS. Nyeem kom tag txhua tsab ntawv ceeb toom txog kev txuas hnuv nyoog ntxiv kiag tam siv, ua kom tiav txhua kauj ruam uas yuav tsum tau ua, thiab tiv tauj rau peb yog tias koj xav tau kev pab. Kev kho mob rau koj tus me nyuam, thiab lawv cov kev txhawb pab thiab cov kev pab cuam hauv Lub Khoos Kas CLTS yuav nce rau qhov no. ❖


Cov tswv yim lom zem rau tsev neeg thaum lub caij ntuj no

Muaj ib txhia neeg nyiam siv lub sij hawm tawm mus sab nrauv nyob rau lub sij hawm no hauv lub xyoo. Hos muaj ib txhia tsuas xav nyob hauv tsev xwb thaum huab cua no dua qub tuaj lawm. Txawm koj yog hom twg los xij, ntawm no yog qee yam dej num uas koj yuav tuaj yeem sim nrog cov me nyuam ua thaum koj siv lub sij hawm los nyob ua ke rau lub caij ntuj xyoo no.


- **Tsuag xim rau xaus naus:** Thaum twg koj thiaj tuaj yeem tsuag xim tau? Thaum muaj xaus naus nyob rau hauv pem teb lawm! Muab dej thiab cov xim tim zaub mov noj coj los ntim rau hauv lub tau (xws li cov taub ntim mustard los sis ntim kua txiv lws suav uas siv tag lawm). (Siv cov xim tim zaub mov noj kom ntau es thiaj li pom tsuag tau pom tseeb dua.) Tom qab ntawd tawm mus sab nrauv thiab cia koj tus me nyuam ttsuag xim ua ib daim duab los sis ua lawv lub npe rau ntawm cov xaus naus. Qhov no yog ib qho uas lom zem heev thiab yuav pab tus me nyuam xyaum cov txuj ci kev rhais mus los. Thiab qhov tau noj dawb ces yog, tsis tas yuav tau muab ntxuav tawm tom qab ntawd!

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

- **Kev ua tsev pheb suab:** Qhov no yog ib qho kev ua si sab hauv uas zoo heev thaum huab cua sab nrauv no dhau lawm! Muab cov ntaub pua los sis cov pam vov los khuam rau saum cov rooj zaum los sis lub rooj hauv chav ua noj. Muab hauv ncoo thiab ntau daim pam los tso rau hauv lub tsev pheb suab kom ua ib qho chaw xis nyob. Los zaum sib khawm ua ke noj tej khoom txom ncauj qab, ua si, nyeem cov phau ntawv zoo, los sis saib yeeb yaj kiab!
- **Kev ua noj yam siv tswv yim:** Kev cia cov me nyuam los ua noj yog ib txoj hau kev zoo kom lawv muaj kev lom zem thiab kom sib pab mus ua ke nyob rau tib lub sij hawm! Hais txog rau khoom qab zib, sim ua cov pretzels vuam chocolate: Siv lub qhov cub ci los sis lub microwave los rhaub kom cov chocolate ua tus yaj, tom qab ntawd muab cov pretzels coj los raus rau hauv. Ntxiv cov sprinkles ntau yam xim rau yog tias koj nyiam thiab tos kom cov chocolate txias. Nov yog ib lub sij hawm uas yog ib qho zoo rau cov me nyuam uas yuav tau ua si nrog lawv cov zaub mov noj! ❖



Koj Phau Ntawv Qhia rau Tus Neeg Koom Nrog thiab Tsev Neeg txog Lub Khoos Kas CLTS: Ib phau ntawv qhia uas koj tuaj yeem ntseeg siab tau



Txhua tsev neeg hauv Lub Khoos Kas CLTS tuaj yeem nkag tau mus rau cov peev txheej uas muaj txiaj ntsig uas tsim los txhawb pab koj thoob plaws koj txoj kev taug—Phau Ntawv Qhia rau Tus Neeg Koom Nrog thiab Tsev Neeg txog Lub Khoos Kas CLTS.

Phau ntawv qhia uas zoo siv rau tsev neeg no yuav sau cov ntaub ntawv uas koj xav tau kom nkag siab txog lub khoos kas no, tshawb nrhiav cov kev txhawb pab thiab cov kev pab cuam uas muaj, thiab ua kom muaj kev ntseeg siab thaum koj nrhiav cov kev pab cuam uas yuav pab koj tus me nyuam kawm, loj hlob, thiab vam meej tau.

Hauv phau ntawv qhia, koj yuav pom:

- Cov lus piav qhia meej txog cov kev txhawb pab thiab cov kev pab cuam hauv Lub Khoos Kas CLTS
- Cov ntaub ntawv qhia paub hais txog koj tus me nyuam pab neeg ua hauj lwm hauv Lub Khoos Kas CLTS thiab seb tej twb tug neeg hauv yuav tuaj yeem txhawb pab koj tsev neeg tau li cas
- Cov lus qhia txog kev hloov pauv lub neej, txij thaum yau mus txog rau thaum tiav hluas
- Cov lus teb rau cov lus nug uas cov tsev neeg nquag nug

Txawm koj yog tus neeg nkag tshiab rau Lub Khoos Kas CLTS los sis yeej tau teev npe nkag tau ntau xyoo lawm los xij, phau ntawv qhia no yeej yog ib qho cuab yeej muaj txiaj ntsig uas koj tuaj yeem rov qab mus saib tas rov saib dua tau.

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

Txoj hau kev thov koj phau ntawv qhia

- Txhua tsev neeg uas tau teev npe nkag rau hauv Lub Khoos Kas CLTS yuav tau txais ib phau ntawv qhia uas muab luam tawm lawm los ntawm kev xa raws tsev pais xab nis tuaj.
- Yog koj tus me nyuam ho nyuam qhuav teev npe nkag tshiab, ces koj yuav tau txais koj phau ntawv qhia thaj tsam li ib lub hlis tom qab teev npe nkag.
- Phau ntawv qhia ua digital yog muaj nyob hauv oos lais tas li kom koj tuaj yeem nkag mus saib cov ntaub ntawv tau nyob rau txhua lub sij hawm uas koj xav tau.
 - dhs.wisconsin.gov/publications/p03689.pdf ❖



Xab kees kuv txhawm rau mus rau phau ntawv qhia txog Lub Khoos Kas CLTS

Kev hloov kho tshiab tseem ceeb rau Katie Beckett Medicaid: kev txuas hnuv nyoog ntxiv tshiab hauv oos lais thiab lub app MyACCESS

Cov tsev neeg uas muaj me nyuam nyob rau hauv Katie Beckett Medicaid ces tam sim no muaj cov hau kev tshiab thiab yooj yim los tswj lawv cov nyiaj txiaj ntsig lawm, suav nrog kev tuaj yeem txuas hnuv nyoog ntxiv hauv oos lais, kev tshaj qhia txog kev hloov pauv, thiab kev siv lub app xov tooj ntawm tes MyACCESS.

Tej yam uas muaj kev hloov pauv tseem ceeb

- **Kev txuas hnuv nyoog ntxiv rau cov nyiaj txiaj ntsig hauv oos lais:** Cov tsev neeg tuaj yeem txuas hnuv nyoog ntxiv rau lawv cov nyiaj txiaj ntsig hauv Katie Beckett Medicaid tau ncaj qha hauv oos lais ntawm access.wi.gov. Tsis tas yuav tsum tau xa cov foos tuaj mus, tshwj kiag tias yog koj ho xav xa nkaus xwb.
- **Tshaj qhia kev hloov pauv hauv oos lais:** Cov tsev neeg tuaj yeem tshaj qhia kev hloov pauv chaw nyob thiab cov ntaub ntawv tiv tauj tau hauv oos lais txhua lub sij hawm ntawm access.wi.gov. Tsis tas yuav tsum tiv tauj Katie Beckett Central Office, tshwj kiag tias yog koj ho xav tiv tauj nkaus xwb.
- **Lub app MyACCESS:** Qhov no yog thawj zaug uas cov tswv cuab hauv Katie Beckett Medicaid tuaj yeem tswj cov nyiaj txiaj ntsig tau hauv lawv lub xov tooj ntawm tes uas yog siv lub app MyACCESS app official los saib cov xwm txheej ntawm daim ntawv thov, saib cov ntaub ntawv qhia txog cov nyiaj txiaj ntsig, tshuaj xyuas tej yam uas koj yuav tsum tau ua tom ntej, teeb cov lus ceeb toom qhia, rub cov ntaub ntawv nkag, thiab tshaj qhia txog tej kev hloov pauv chaw nyob thiab cov ntaub ntawv tiv tauj.
- **Lub Cuab Yeej Soj Qab Saib Seb Cov Nyiaj Txiaj Ntsig Zoo Li Cas Lawm:** Cov tsev neeg tuaj yeem siv Lub Cuab Yeej Soj Qab Saib Seb Cov Nyiaj Txiaj Ntsig Zoo Li Cas Lawm uas tawm tshiab tau dhau los ntawm access.wi.gov los sis MyACCESS los ua ib txoj hau kev yooj yim los saib kom pom tias seb lawv nyob qhov twg lawm hauv txhua kauj ruam ntawm tus txheej txheem kev ua ntawv thov.

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.



Muaj kev txhawb pab tas li

Hais txog rau cov lus nug txog kev txhawb pab fab thev niv los sis kev pab txog access.wi.gov los sis MyACCESS, ces cov tswv cuab tuaj yeem tiv tauj Feem Pab Cuam Tswv Cuab ntawm 800-362-3002. ❖

Yog koj tsis pom zoo nrog ib qho kev txiav txim siab hauv Lub Khoos Kas CLTS

Kev muaj txoj kev xav tsis sib thooj yeej yog ib yam uas ib txwm muaj tas li. Yog tias koj tsis pom zoo nrog ib qho kev txiav txim siab txog koj tus me nyuam cov kev txhawb pab los sis kev pab cuam hauv Lub Khoos Kas CLTS, lawv txoj kev muaj cai tsim nyog tau txais, los sis tus neeg muab kev pab cuam uas tau xaiv, ces koj muaj cai thov kom muab hais dua tau. Qhov no txhais tau hais tias koj tuaj yeem thov kom ib tug kws txiav txim plaub ntug rov tshuaj xyuas qhov kev txiav txim siab ntawd dua.

Yog tias koj ntseeg tias lawv tau tsim kam muaj qee yam rau koj tab sis koj ho tsis tau txais Tsab Ntawv Ceeb Toom txog Kev Nqis Tes Ua Yam Uas Tsis Zoo (NOA), ces koj tseem muaj cai tau txais ib daim. Daim NOA yuav piov qhia txog qhov kev txiav txim siab thiab muab cai rau koj thov kom muab hais dua. Yog tias koj xav tias koj yuav tsum tau txais ib daim tab sis ho tsis tau txais, ces thov kom koj tus SSC los sis lub chaw khiav hauj lwm uas muab cov kev pab cuam hauv Lub Khoos Kas CLTS xa ib tsab tuaj rau koj.

Txhawm rau pib tus txheej txheem thov kom muab hais dua:

Xa ib daim foos thov los sis sau ib tsab ntawv. Sau daim foos thov lub rooj sib hais los sis sau ib tsab ntawv piov qhia tias vim li cas koj ho tsis pom zoo nrog qhov kev txiav txim siab. Nco ntsoov kos npe thiab sau hnuv tim rau daim ntawv thov.

Muab daim foos los sis tsab ntawv ntawd xa mus rau Division of Hearings and Appeals.

Qhov chaw nyob yog:
Division of Hearings and Appeals
P.O. Box 7875
Madison, WI 53707-7875

Lub Division of Hearings and Appeals yuav ceeb toom rau koj thaum uas lawv teem tau lub sij hawm rau koj lub rooj sib hais lawm.

Yog xav paub ntxiv txog kev thov kom muab hais dua los sis txhawm rau nrhiav daim foos, mus saib: doa.wi.gov/RequestAHearing



Cov ntaub ntawv qhia paub uas muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.


Nws yog ib qho tseem ceeb uas yuav tsum paub tias kev ua ntawv thov kom muab hais dua tsis yog ib qho phem. Nws tsuas yog ib txoj hauv kev los daws kev tsis sib haum xeeb thiab kom paub tseeb tias koj tus me nyuam cov kev xav tau raug txiav txim siab tag nrho. Txheej txheem thov kom muab hais dua nyob ntawm no los txhawb nqa koj yog tias koj xav tias ib qho kev txiav txim siab txog kev them nyiaj pab yug me nyuam thiab kev pab cuam tsis yog rau koj qhov teeb meem. ❖

Cov peev txheej muaj txiaj ntsig rau tsev neeg

Kev mob puas siab puas ntsws thiab kev mus kawm ntawv

Lub Wisconsin Office of Children's Mental Health (OCMH) tau tshaj tawm ib daim ntawv qhia qhov teeb uas piav qhia txog tias seb cov meem fab mob puas siab puas ntsws yuav tuaj yeem ua rau muaj kev qhaj ntawv li cas, thiab seb kev qhaj ntawv tas li yuav tuaj yeem ua rau muaj kev txhawj txob, kev nyob ua neeg twm zeej, thiab kev ntxhov siab fab kev kawm tau li cas. Kev tuaj kawm ntawv tsis tu ncuu yuav txhawb pab kom muaj txoj kev kawm, kev sib raug zoo, thiab kev noj qab nyob zoo mus ncuu sij hawm ntev, thiab cov tsev kawm ntawv uas muaj cov kev pab cuam zoo rau cov tub ntxhais kawm yuav tuaj yeem pab cov tsev neeg daws cov teeb meem kev tuaj kawm ntawv tau.


Nyeem daim ntawv qhia qhov tseeb ntawm no:
[https://children.wi.gov/Documents/ResearchData/OCMH Fact Sheet_October 2025_Attendance Absenteeism and Mental Health.pdf](https://children.wi.gov/Documents/ResearchData/OCMH_Fact_Sheet_October_2025_Attendance_Absenteeism_and_Mental_Health.pdf)



Office of Children's Mental Health: Daim Ntawv Qhia Qhov Tseeb txog Kev Txhawb Pab Cov Me Nyuam Uas Muaj Kev Xiam Oob Qhab

Lub Office of Children's Mental Health tau tawm ib daim ntawv qhia qhov tseeb uas hais txog yam uas peb lub lav tab tom ua los txhawb pab cov me nyuam uas muaj kev xiam oob qhab. Nws suav nrog cov npe ntawm tej yam uas cov neeg tsim cai, cov neeg muab kev pab, cov zej zog, tsev kawm ntawv, thiab cov niam txiv/neeg saib xyuas tuaj yeem ua los pab cov me nyuam thiab lawv tsev neeg.

Mus rub tau ntawm no:
[https://children.wi.gov/Documents/ResearchData/OCMH Fact Sheet_July 2024_Supporting Kids with Disabilities.pdf](https://children.wi.gov/Documents/ResearchData/OCMH_Fact_Sheet_July_2024_Supporting_Kids_with_Disabilities.pdf)



Wisconsin Wayfinder pab txuas koj mus rau cov chaw pab

Cov tsev neeg feem ntau yuav muaj ntau nqe lus nug tom qab paub tias lawv tus me nyuam muaj ib los sis ntau qhov kev loj hlob qeeb, kev xiam oob qhab, kev xav tau kev saib xyuas kho mob tshwj xeeb, los sis muaj teeb meem kev mob puas hlwb. Wisconsin muaj tsib Lub Chaw Pab Me Nyuam Yaus hauv cheeb tsam uas mob siab los txhawb pab cov tsev neeg no. Cov chaw no pab tag nrho cov tsev neeg thiab cov neeg muab kev pab cuam tib si:

- Txuas mus rau cov chaw pab hauv zej zog.
- Kawm txog thiab nrhiav kev txhawb nqa thiab kev pab.
- Tau txais cov lus teb rau cov lus nug.

Koj tuaj yeem hu tus xov tooj dawb 877-WiscWay (877-947-2929) los tham nrog ib tus neeg tiag-tiag uas yuav txuas koj nrog koj phau ntawv qhia txog chaw pab rau me nyuam.

Koj tuaj yeem mus haus oos lais ntawm dhs.wi.gov/wiscway kom paub ntau ntxiv.

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

Wisconsin Tus Thawj Tswv Lav Tony Evers Tshaj Tawm Tias Xyoo 2025 yog Lub Xyoo rau Me Nyuam Yaus

Tus Thawj Tswv Lav Evers tau kos npe rau pob nyiaj txiag ob tog uas txhawb nqa me nyuam: "Qhov no yog ib qho kev muaj yeej rau Wisconsin cov me nyuam yaus, tsev neeg, thiab zej zog." Tus Thawj Tswv Lav Evers tshaj tawm pob nyiaj txiag 2025-27 los ua qhov zoo tshaj plaws rau cov me nyuam thiab cov tsev neeg ua hauj lwm los ntawm kev txo cov nqi them ntawm tus kheej rau kev pab zov me nyuam thiab ntau ntxiv.

Saib tsab ntawv tshaj tawm xov xwm ntawm no:
content.govdelivery.com/accounts/WIGOV/bulletins/3e7d45c ❖



Koom nrog peb daim ntawv teev npe xa email

Sau npe kom tau txais tsab ntawv xov xwm no hauv es lev thaus niv thiab lwm yam email hais txog Lub Khoos Kas CLTS.

1. Mus rau dhs.wi.gov/dms/ltc-email-signup.htm.
2. Kiv nqis mus rau nqe Children's Long-Term Care Subscription List Topics (Cov Ncauj Lus Ntawv Teev Npe Rau Kev Saib Xyuas Kho Mob Ncua Ntev rau Cov Me Nyuam Yaus).
3. Xaiv CLTS Information for Families and Participants (Cov Ntaub Ntawv Qhia rxog CLTS rau Cov Tsev Neeg thiab Cov Neeg Koom Nrog).

Qhia koj tsev neeg thiab tej phooj ywg hauv lub khoos kas kom sau npe tib si thiab!

All in for Kids cov ntawv tshaj tawm yav dhau los hauv xyoo 2025: Lub Khoos Kas CLTS yog muaj nyob ntawm: dhs.wi.gov/library/collection/AKids25.

Cov ntaub ntawv qhia paub uas muab rau hauv tsab ntawv xov xwm no yog luam tawm raws li Social Security Act § 1915(c) thiab 42 C.F.R. § 440.180.

All in for Kids: Lub Khoos Kas CLTS yog ib tsab ntawv xov xwm luam tawm los ntawm Wisconsin Department of Health Services rau cov me nyuam thiab cov tsev neeg hauv Lub Khoos Kas CLTS.

Lub Khoos Kas CLTS muab cov nyiaj pab los ntawm Medicaid los txhawb pab cov me nyuam uas muaj kev txwv loj vim yog kev xiam oob qhab fab kev loj hlob, fab lub cev, los sis fab siab ntsws kev xav loj heev uas ua neej nyob hauv vaj tsev los sis hauv lub zej zog. Cov nyiaj pab yuav raug siv tau los txhawb pab ntau yam kev pab cuam uas saib raws li kev ntsuam xyuas txog tus me nyuam thiab tsev neeg tej kev xav tau tshwj xeeb thiab cov hom phiaj los sis cov txiaj ntsig uas teev tseg. Hais txog rau cov ntaub ntawv qhia paub ntau ntxiv, mus saib dhs.wi.gov/children/index.htm.

Para leer este boletín en español, visite dhs.wi.gov/library/collection/AKids25.

Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/AKids25.

Rau lwm hom lus (繁體中文, 简体中文, Deutsch, العربية, русский, 한국어, Tiếng Việt, Deutsch, မာအာၤ, Français, Polski, हिंदी, Shqip, Tagalog, Soomaali): 608-266-5508.

